



“Is gá tionscadail aistrithe fuinnimh a nascadh le pobail áitiúla an athuair”

Agallamh le Zoran Kordić, duine de bhunaitheoirí comharchumainn fuinnimh sa Chróit [Zelena energetska zadruga \(ZEZ\)](#).



Dar leat, cé na dúshlán is mó atá le sárú ag gníomhaithe áitiúla agus tionscadail aistrithe fuinnimh á gcur i bhfeidhm acu?

Tá ceangal láidir i gcónaí idir earnáil an fhuinnimh agus breoslaí iontaise, rud a fhágann nach mbíonn sé éasca ar ghníomhaithe fuinnimh ghlain teacht chun cinn. Is mór an náire é nach bhfuil spriocanna náisiúnta aeráide agus fuinnimh ailínithe leis na cuspóirí atá leagtha amach i gComhaontú Pháras, ná leis na moltaí sna tuarascálacha ón bPainéal Idir-Rialtasach ar an Athrú Aeráide. Is gá tacaíocht níos mó freisin, mar aon le creat cumasúcháin le haghaidh tionscadail fuinnimh phobail. Ina theannta sin, is gá tionscadail aistrithe fuinnimh a nascadh le pobail áitiúla an athuair.



Maidir le hobair as lámha a chéile le comharchumann, cén chaoi a gcabhraíonn sé sin le dul i ngleic leis na dúshláin sin?

Feidhmíonn comharchumainn mar ardáin lenar féidir infheisteoirí a nascadh le tionscadail aistrithe fuinnimh. Cabhraíonn siad le hathrú ar iompar saoránach a bhaint amach, agus bíonn ról acu san fhorbairt beartas trí mholtaí ón mbun aníos a chur ar fáil.

Bhí [Križevci](#), cathair a shínigh an chúnant, chun tosaigh sa chéad tionscadal slua-mhaoinithe ar son an fhuinnimh in-athnuaite sa Chróit. Cén chaoi ar thacaigh Comharchumann an Fhuinnimh Ghlais (ZEZ) leis an gcathair sa tionscadal sin?

A bhuíochas le [EU-funded Horizon 2020 Compile](#), bhí sé ar chumas ZEZ tús a chur le suiteáil grianphainéal ar dhíonta foirgneamh poiblí. Cabhraíonn sé sin le ceann de spriocanna ar chlár an rialtais áitiúil a bhaint amach: a dhóthain fuinnimh a tháirgeadh in [Križevci](#) faoi 2030.

Go ginearálta, cén chaoi a gcuirfeá síos ar do thaithí féin ar thionscadail aistrithe fuinnimh a stiúradh le húdaráis áitiúla sa Chróit?

Taithí dhearfach den chuid is mó atá againn ar a bheith ag obair leis na húdaráis áitiúla! Aithníonn formhór na gcathracha torthaí dearfacha na dtionscadal sin, agus is mó spéis a léiríonn siad sa bhearna idir saoránaigh agus tionscadail fuinnimh a laghdú ná mar a léirítear ar leibhéal eile rialtais.

Cén fháilte a cuireadh roimh rannpháirtíocht na saoránach in [Križevci](#)? Ar léirigh páirtithe leasmhara eile spéis i scéimeanna maoinithe nuálacha den sórt sin?

Ba mhó i bhfad an spéis a léirigh saoránaigh san infheistíocht ná mar a rabhthas ag súil leis. Maoiníodh an feachtas is déanaí linn ina iomláine laistigh de 48 uair an chloig, agus d'éirigh linn 5 oiread an mhaoinithe a bhailiú ná mar a bhí ag teastáil uainn. Léirigh saoránaigh go raibh spéis mhór acu infheistíocht a dhéanamh i dtionscadail aistrithe fuinnimh.

© *image Inia Herenčić*